

日 17

2003 3

14

拜經樓藏書題跋記卷四

纂圖互注老子

海昌吳壽陽虞臣纂



宋本纂圖互注老子二卷卷首序題太極左仙公葛元造每葉二十四行每行大字二十小字二十三有方纂時鳴私印方而怡際明父圖記

真經道德指歸注

真經道德指歸十三卷題蜀郡嚴遵字君平撰谷神子注卷首爲總序並元德纂疏先君子跋見愚谷

別

文存 又別錄 四庫全書提要簡明日錄渭南文集郡齋讀書志衢本蜀本讀書敏求記各為一冊

四庫提要目錄云曹學佺作元羽外編序稱近刻嚴

君平道德指歸論乃吳中所偽作今案通考晁氏之

言案此條通考所引與今本讀書志不同先君子書云通考所引讀

書志乃衢本世行板本乃蜀本故互異也又谷神子

注本晁氏尚著錄十三卷不云佚闕此本載谷神子

序乃云陳隋之間已逸其半今所存者止論德篇因

獵其譎舛定為六卷與晁氏所錄亦顯相背觸且既

晁

松

晁

云佚其上經何以說目一篇獨存至於所引莊子今

本無者十六七不應遵之云云 先君子又書云按

六卷本指歸論前列谷神子序者安知非明末人從

十三卷中鈔此序以冠卷首晁氏所云十三卷谷神

注今道藏尚有之原未嘗佚闕所稱莊子曰即君平

以既諱嚴即稱莊子誤認為子甫殊費詞矣

晏子春秋

元刻本晏子春秋八卷篇目內如首章莊公矜勇力

不顧行義晏子諫第一後同明時本作諫矜勇力不

按

疑字當是款字之俗石本同

諸

誤字

本止 二字倒誤

顧行義不書全題又篇內按語俱作大字加圓圍以別之明時本則作小字分注于下與此覓然不同矣惜首闕半頁有書帶艸堂疑冬書屋馬叔靜圖書記書印紙墨俱古抱經堂羣書拾補云劉向敘錄云定著八篇二百一十五章予所見者明吳勉學止本七篇二百三章今陽湖孫氏星衍得沈啟南吳懷保本校梓者分八篇多十二章與敘錄之數適合今此本篇章亦同學士曾借校並補刻全目於後書云余校晏子將竣吳槎客示余元人刻本其每卷首有總目

又各標於當篇今本皆缺目錄以此補之

又

明鈔本晏子春秋作四卷卷三後書萬曆十六年冬吳懷保梓卷一後書崇禎十三年庚辰閏四月初六日校錄於雪履齋仁和鄭紹孔伯翼甫識蓋即從吳刻本傳錄者末附柳宗元辨晏子春秋一篇史記管子列傳及孔叢子六條按文獻通考引崇文總目晏子春秋十二卷晏嬰撰原釋晏子八篇今亡此書後人采嬰行事為之以為嬰撰則非也

錢侗按玉海引崇文總目同隋

按

曰

志舊唐志七卷今本八卷書錄解題晏子春秋十二卷齊大夫平仲晏嬰撰漢志八篇但日晏子隋唐七卷始號晏子春秋今卷數不同未知果本書否蓋晏子八卷早佚後人采嬰行事為之加以春秋之名其作八卷者猶仍漢志之舊此併為四卷且篇目不載全文視前舊刻本漸失古意矣惟崇文總目書錄解題俱十二卷而四庫書目及余家舊刻作八卷疑又經後人併合以符漢志八篇之數也

曾子

按

大

注

元本曾子二卷內外篇凡十四每卷題傳道子子書曾子卷第次有達左序每篇末引宋諸儒說及達左按語自太戴禮中錄出者凡十篇有楊簡注他若汪暉趙汝騰劉清之章樵宋鳴梧曾承業戴良所編分見於儲藏家著錄蓋此書原本早佚諸家各據當時所傳之本互有編輯卷第分併亦各不同耳

荀子

元本纂圖互注荀子二十卷每葉二十二行每行大字二十一 小字二十五序目不全盧學士校刻荀子

敘
誤此

至正下脫十字

多一補字

曾借其讐校學士舊刻此書云元刻纂圖互注本此乃當時坊間所梓脫誤差舛不一而足然正以未經校改之故其本真翻未盡失書中頗多採用

呂氏春秋

呂覽二十六卷元刻本卷首有遂昌鄭元祐序序後有嘉興路儒學教授陳泰至正下缺吳興謝盛之刊一行每葉二十行每行大小字俱二十有南書房史官海甯查慎行字夏重又曰悔餘得樹樓藏書諸圖記蓋曾爲初白先生收藏序首缺半頁先生手書補

補全 先君子識簽云此元初刻本序文前半頁乃查初白先生手筆鈔補真如白獺髓矣兔床志 前副頁附松靄先生手札云呂覽卷二十一慎行論中有緩氣之說不獨元板明板亦不刪已檢得矣籠口之說大約在淮南子注中弟處淮南子乃明刻本有批點者注極略鄴架所儲或係別本望便中查示再呂覽匆匆閱過但縱目力所至恐尙脫漏並乞留神再檢爲感

太元經

按

元

誤原
算茶

宋本太元經十卷後附王涯說元五篇太元經釋文一卷萬玉堂刊本有右迪功郎充兩浙東路提舉茶鹽司幹辦公事張實校勘一行每葉十六行每行大小字俱十七中多缺筆避諱之處有子孫保之太師趙氏世德堂印長川吳氏諸圖記盧學士借校原缺三卷學士影鈔補全摘錄陸續述元數行于首頁並記云又有說原五篇唐宰相王涯字廣津算又有太元經釋文一卷注云此本自侯芭虞翻宋衷陸續互相增損傳行於世非後人之所作也按是書紙色甚

篇

舊每卷署晉范望字叔明解贊卷末有云楊氏本自元首已下至元告凡十一篇並是宋衷解詁陸續釋文共爲一注范望采二君之業折衷長短或加新意就成此注仍將元首一篇加經贊之上元測一篇附逐贊之末餘自元衝以下至元吉九篇列爲四卷三家義訓互有得失以待賢者詳而正焉稱卷三後先君子書云嘗收得萬玉堂舊刻太元經紙墨頗佳前葉印記纍纍蓋橫塘吳氏曾藏之惜前闕三卷無從物色餘姚盧紹弓學士續補方言時嘗借觀之亦惜

其不全閱數年學士掌教晉陽偶借得全本因憶及予家缺卷亟令楷書手爲補錄三卷從數千里外寄余俾成完書其好古懷友之心均非近人中所有也爰識于此俾後人知是書獲全之始末云乾隆癸卯夏仲兔床吳某

賈子新書

右新書十卷明正德九年陸良弼刊本有黃寶序先君子以欽遠猷校本過錄於上每卷首題新雕賈誼新書下題梁太傅賈誼撰目錄後有建甯府陳八郎

按

書鋪印一行前有袁氏宋本校過一行並補審取舍篇於過秦目下係以何孟春跋語及己亥三月遠猷題記又卷末書云賈子世無善本互有訛缺今集彬陽何氏本長沙本武陵新本及此本參相去取得正其十之四五不可攷者仍闕以俟別本更訂己亥三月十有二日燈下遠猷書按遠猷卽欽遠猷抱經堂盧氏本所稱李空同本正德八年刻後有欽遠猷者不知何時人是也又謂何氏於文義不順者頗加竄改又於過秦論後補審取舍一篇乃錄大戴禮察篇

全文今不用其宋本當卽盧氏所謂建本明毛斧季
吳元恭皆據以改近世之本者是也以有建甯府陳
八郎一行故稱建本云

又

右盧氏抱經堂本先君子以明刻大字本校至二卷
止記前云乙巳夏五有書賈持明刻賈子一部欲售
於予先爲汪氏映月軒所得因借閱之其字視今時
本頗大前有黃寶序已不全似卽所謂陸良弼在長
沙所刻本是日手校二卷屬有事未竟他日當再借

以卒業也槎客記又書卷末云抱經學士校刻此書
具費苦心可謂有功於長沙者某嘗觀明何燕泉餘
冬序錄中述賈誼新書數條語甚詳燕泉并有校定
重刻本書此以俟他日更訪求之辛未人日免牀又
志

風俗通

風俗通義十卷前有劭自序元大德丁未大中大夫
行都水監李果序後有宋嘉定十三年東徐丁黼跋
卷首題大德新校正風俗通義每葉二十行行十六

按 祿

誤錄

字卽抱經堂羣書拾補所稱大德本者是也拾補載李跋作李晦與此異尙有謝居仁跋此本無之而有嘉定十三年丁黼跋知此本從宋本出也按謝序予觀風西浙至無錫有耆儒李顯翁晦來訪云云據此李字顯翁則當名晦此本作果疑誤

王西莊光錄所藏大德本亦作

說苑

說苑二十卷宋刻本每葉十八行行十八字卷末題咸淳乙丑九月鄉貢進士直學胡達之眎役迪功郎

改差充鎮江府府學教授徐沂迪功郎特差充鎮江府府學教授李士龍命工一條 仁和孫頤谷侍御跋云海昌吳免牀先生以宋本說苑見示乃咸淳乙丑所刻予取以校叢書程氏榮刻本其立節篇云比干殺身以成其忠尾生殺身以成其信伯夷叔齊殺身以成其廉程本脫尾生句則與下文舉忠舉信舉廉之語不應又復恩篇蘧伯玉得罪於衛君一則程本所無此舊刻之可寶然予尙有疑者晁氏郡齋讀書志敘說苑篇目避宋孝宗諱易敬慎爲法靖己此

錄刊

後漢
刊

堯

本不易且李善文選注及太平御覽諸書所引說苑
間出今二十五篇之外王厚齋南宋人也撰困學紀
聞引晉靈公造九層臺荀息上書求見云云此本亦
無之則是書之闕佚者多矣校勘既竣因還其書而
後所疑於後甲辰二月仁和孫志祖跋 吳門黃勳
圃主事跋云此咸淳乙丑九月重刻本說苑拜經樓
藏書也余友海甯陳君仲魚知余新得宋刻廿二行
廿字本校諸本為勝因取是本相示余校讀一過與
向所見顧抱冲本相同而字之正誤彼此互異當是

卷六

惟是下脫此三字
下多五字三字

補

誤本

版有原與修之別印有初與後之殊也其妙處卷四
立節篇有尾生殺身以成其信一句卷六復恩篇多
木門子高一條自明天順本以下皆無之則信稱善
本矣惟是陽貨得罪條多非桃李也四字余本為然
為然與紹弓盧學士羣書拾補引御覽合此猶失之
其他與余本異者亦復彼善於此此真宋本之乙邪
內闕第十四卷向未標出惟抱冲本亦闕八至十三
卷此本可補惜抱冲已作古人拜經又居他邑彼此
鈔本為難耳丁卯小春望日讀畢復翁黃丕烈此是

并

好字惡丹字之海名事同

本紙墨古雅每卷末有黃縑亭藏書圖記第十四卷
從別本鈔補 先君子書孫跋後云甲辰春偕了小
正學博過頤谷侍御齋予以宋版說苑眎侍御旋爲
予作跋屈指今十載矣癸丑夏展閱此書并錄其跋
于卷後因識又云此書爲吾鄉陳茂才以岡舊藏予
用善價購得兒壽照甚愛之丁未春計偕入都攜之
行篋州車往返未嘗暫離不意旋染目眚廢書者四
五年展閱此書慨焉寤歎

帝範

右四卷知不足齋叢書校刻本緣飲先生記面頁云
第三次校修 先君子又爲覆勘書後云戊戌冬夜
橫河舟次用吳郡黃省曾嘉靖乙丑刊本讐勘凡拈
出八十餘處

近思錄續錄

近思正續錄二十三卷宋刻本每葉二十六行每行
大字二十四小字二十五六字不等紙墨精雅有東
谷武原鄭氏圖記蓋端簡舊藏彌足珍重

太平廣記

按

希字疑誤

本版

誤矣

志

誤至

右明刻本口十口卷簡莊先生依宋本手校先子跋云此明刻本太平廣記為譚愷開雕較世行坊刻猶有古意卷首有郁逢慶叔遇圖記按叔遇嘉興人性喜收藏書畫崇禎中嘗手輯古今名人法書名畫題跋記正續各十二卷可與汪氏珊瑚網孫氏庚子銷夏記相頡頏惜未有為刊行者此書間有關番皆郁氏原補而陳仲魚孝廉復依宋板為予手校一過尤可為插架之良矣嘉慶癸酉立春日八十一叟吳某至于西籒

纂圖互注文中子

宋本纂圖互注文中子十卷前有文中子纂事世系年表一篇題河汾肄子壬壬無目錄有阮逸序末卷數篇後為杜淹文中子世家錄唐太宗與房魏論禮樂事關子明事書錄解題云唐志五卷今本第十卷舊傳以此為前後序王福時王氏家書雜錄等此本與纂圖互注老子同紙墨俱佳有海昌馬思贊印中安一號漁邨圖記

六則
與字不誤一字多一圖

鑑誠錄

堦

鑑誠錄十卷影宋鈔本 先君子書後云右鑒誠錄
十卷後蜀東海何光遠輝夫所撰晁氏讀書後志謂
其在唐證中纂輯唐證未詳其義觀所紀多唐末五
季及西蜀時事昔朱竹垞檢討嘗得宋槧本乃項氏
天籟閣舊藏首闕劉曦度序此本從金閶宗人伊仲
借錄益影宋鈔也劉序亦無閒多闕文聞桐鄉金雲
莊比部新購得宋刻本亦有闕文未知與此本同否
當更借校之乾隆丙午閏七月十五日免牀吳某識

文心雕龍

胡夏客曰隱秀篇書脫四百餘字余家藏宋本獨完
丁丑冬復得崑山張誕嘉氏雅芑緘寄家藏鈔本爲
校定數字以貽之朋好夏客字宣子海鹽人孝轅子
生子也然據所錄補四百餘言尙不無魯魚爰復爲
校訂錄於簡端槎客吳某記

澠水燕談錄

右十卷明商氏稗海刻本綠飲先生乾隆甲辰嘉慶
慶壬戌兩次從宋本校均識歲月于後丹黃排比幾
偏并於卷首補錄紹聖二年自序 先君子書云稗

於歲編

此一字多一廢字

以

此

海中所刻書多芟節譌謬而澠水燕談錄其尤也往
嘗見吾友鮑綠飲有宋本最善未及借校時往來於
心頃綠飲特爲予取是本而手校數過遂成善本後
人其珍之倘有好事者依此重刻則更藝林一快事
矣癸亥三月免床吳某志時年七十又一 原本忠
孝才識爲四卷依宋本卷五高逸一門仍是第四卷
以下遂遞差一卷 先君子記後云前原序自云十
卷今據綠飲所校則止有九卷豈此下尙少一卷乎
當更叩之參軍耳

雲麓漫鈔

雲麓漫鈔十五卷 先君子從知不足齋借本傳錄
手自校正用硃筆並屬朱巢飲先師校用綠筆 十
卷後有綠飲先生跋云雲麓漫鈔刻於商氏稗海者
祇四卷此本傳自趙氏小山堂較商氏所刻已多過
半而宋詩紀事及南宋雜事詩所引李易安投翰林
學士綦崇禮書不在焉然則此尙非全書耶更當覓
善本訂正之乾隆壬午端午後一日知不足齋識又
云曹彬侯跋清波雜志云雲麓漫鈔二十卷則此亦

按

僅有其半耳丙戌五月廿有九日蘆渚寓舍書又書十五卷末云乙未十二月十二日得十一卷至十五卷于小山堂李清照啟載十四卷中觀自序則此書祇十五卷曹所云二十卷者恐未足據耳先君子書後云庚子夏日從綠飲借得雲麓漫鈔十五卷因爲傳錄并倩朱君允達校而藏之拜經樓按此書書錄解題亦作二十卷又續鈔二卷乃中庸說及漢定安公補記然藏書家率未聞有豈不傳耶俟續訪之吳某簡莊徵君從予家借錄跋云嘉慶十一年夏

年 陽月
日從拜經樓借得是本攜至吳中今年春始得倩人傳錄甫竟遂手錄綠飲前後三跋并拜經樓主人所跋所評細校一過至吾師朱子則稱師云以別之適綠飲扁舟過吳見訪相與把玩爲之一快且謂余曰此書尙缺圖數頁故未刻入知不足齋叢書綠飲年八十矣尙健飯行不扶杖時攜書卷往來杭湖嘉蘇數郡閒其好古清興正復不異昔日也嘉慶十二月四月望日郭海陳鱣記

容齋五筆

郭字以有作勃者此在改

右影鈔舊本原有硃筆評校 先君子復借知不足齋所藏義門先生評校本過錄書後云乾隆辛丑春日偕鮑君以文遊武原有書估謁予舟次攜鈔本容齋五筆求售有硃筆評校蓋陳宋齋先生筆也因酬以直得之復從鮑君借所藏何義門先生評校本用藍筆點次鮑本末復有筠溪煦跋不具錄壬寅冬日免床吳某識 義門跋云前四筆皆十六卷而此止于十卷蓋未成而公已口口口口之已五年今始粗閱一過予之廢學亦可見矣去年口口口口書頗多

咸以爲非計不知都下借書至不易得也冬閒口口口滯大定精舍鄉人以會試至者謂予曰所攜書亦曾看過口口否予愧謝之然能於半歲中閱三四千卷雖古人或難之鄉人殆不識甘苦之語以警予之情則可耳又五月二十一日沂州奈園書塾書記瞻康熙乙未十二月重閱口口中至正月三日而畢去甲戌客臨沂時已二十餘年矣予精神日已向衰讀書所向抵滯聰明非復當口口口之留示餘兒少小當早自鞭策也

飲

汪石成字

默記

默記一冊巢餘先師手寫本 先君子校並錄朱朗齋鮑綠飲二先生校文于上記簡端云朱鮑校俱用硃筆兔牀校先用紫筆繼用綠筆 後有葉石君跋謂湖賈攜舊鈔本至先爲林宗取去林宗本尙有五總志 鮑跋云五總志南宋吳迥所撰世多未見予近始得之因自歎耽書之癖不減昔人所恨林宗石君輩不見我耳乾隆甲午秋日廷博 朱跋云甲午九月廿五日鮑綠飲以此本屬爲校勘因合汪氏飛

鴻堂汪氏振綺堂藏本互勘三本皆善矣朱文藻

又鮑跋云朱君映濬校訖見還予取飛鴻堂本重勘復是正數十處然飛鴻堂藏本不佳尙有譌脫無從改定亦一恨也九月二十七日燈下記 先君子跋云明日海昌吳某復從知不足齋主人借觀據其所見筆之簡端又不下數十處而此外譌舛者亦尙有數處終未能釋然此昔人所以有風 掃葉之歎歟又跋云癸巳歲予借得以文本吾友朱君雲達爲予手鈔且以意改其亥豕藏之篋衍今予又得朱鮑二

歲

座是二庭字

查不錯
系本標糊

按

君從汪氏二本校過者凡此一書合四家藏本經四
人手眼吾輩之好書可謂勤矣他日以示雲達當更
爲之忻然也甲午十月二十七日橫河舟次免牀再
志 簡莊徵君從予家借鈔書後云丙申七月二十
七日余從拜經樓借閱因亟命胡生鳳苞鈔之至八
月二十七日鈔畢其諸家校本仍照各色書之更有
一二改正處則用黃筆合觀之恍似文通夢中五色
筆矣鱸識吾鄉有王性之廟不知卽撰默記者否俟
攷卷後有葉石君跋按石君名萬吳之東洞庭山人

晚家琴川聚書數萬卷多手校過余每思其人近日
修地志者不載其姓氏殊恨事也所云五總志當更
從綠飲處借鈔仲魚載筆

吳禮部別集

右鈔本一冊 先君子從知不足齋借錄書後云乾
隆丁未秋仲從鮑君以文借鈔按卷首題卷一而尾
書卷下終書則止一卷且書中有云詳下卷而未見
者疑尙有關佚當面鮑子某記

塵史

質 按

脫一字

校

醇

鈔本塵史三卷 先君子手校本按抱經堂文集書後云記其本朝君臣事跡頗可以資攷鏡彥輔初受學于鄭介夫又嘗執經於胡翼之其師友多賢者故此書在宋人說部中為最醇又謂假得虞山毛黼季校本自言得三本參校而以何元朗所藏為最善此書舊有作四卷者雖篇葉稍均然非其本來也故今所鈔仍依三卷之舊云此本亦三卷未知視元朗本何如當更訪之

羅氏識遺

簡
子
上
不
亦
五

舊鈔本羅子蒼識遺十卷後有隆慶三年姑蘇吳岫跋 簡莊徵君從 先君子借校書後云嘉慶十五年十二月既望從拜經樓借得是本攜至吳門以五硯樓袁氏鈔本校勘一過補正良多彼本亦誤者未敢擅改俟得善本再校也勃海陳鱣記於石泉古舍

離騷艸木疏

右舊鈔本四卷後有仁傑自跋及方粲跋末列張師尹杜醕吳世傑校正銜名

醇

紺珠集

歲

疎

原本作此石改六通

右鈔本十三卷龔氏玉璫瓏閣舊藏有田居校及江聲借閱題記 周耕厓先生曾從 先君子借校跋云歲甲辰客都門分校續寫四庫書中有紺珠集十三卷原本字句錯誤不可讀為校正二千餘字重寫送館另錄為四冊藏之王疏雨時為吉士見而借鈔其前三冊已歸會其改刑曹後一冊久未鈔竟丁未秋將南旋屢趣未得念是書流傳甚少不欲令棄前功而行篋所有非足本攜歸亦無用乃以前三冊並付之其郎慶嵩嘗從予遊屬鈔訖寄還閱今八載杳

原本下字必誤舊是年字

璫

圃

誤甫

不通問每一念及未嘗不悵悵也去下兔牀七兄出此見示欣然如遇故人前有橫河龔氏玉玲瓏閣珍藏圖記又有龔稼邨秘笈之印校者為田居為江聲免牀云稼邨田居皆錢塘龔衡圃先生麟自號玉璫瓏本宋花石綱故物今尚在橫河姚氏宅江聲則金觀察志別字衡甫友也其本亦不免訛字然現原本則善矣其異者彼前題朱勝非譔而此無明文又多天順間賀榮二後序耳假歸踰年事冗今始竟讀一過其書汰繁摘要便於檢閱衰拙善忘正苦無記事

按

珠回憶旅牕矻矻樂此不疲自度已不能復爾而手
校之本遂乃無可追索惜哉乾隆六十年乙卯七月
十八日耕厓周廣業書

墨志

宣城麻三衡著金壽門先生手寫本內載元時造墨
宜興潘材仲 先君子書云某按元時宜興多造墨
名手若吳國良吳善李文遠陶得和湯生不知其名
並見倪高士集中贈詩甚多然則此書所遺漏者不
少矣 墨志一卷明季宣城麻氏孟璿撰凡分九類徵
引賅詳論說古雋似兼李氏墨譜陸氏墨史之

攷潰詩

漢漢石李同
後時

長考孟璿名著復社屯師姑山兵潰被執死甚烈蓋
節義之士其緒餘故自足傳所作韻語已畧載竹垞
明時綜而墨志未見諸家著錄近惟知不足齋所刊
墨史中偶一附注亦希世之書也此舊鈔本傳自冬
心先生魚豕甚多先祖亦嘗校閱未及細勘今春因
蔣茂才生沐欲刊入叢書復悉心參校一過尙虞疎
謬俟明眼者再審之道光
戊戌孟夏之月涪謹識

疑獄集

疑獄集三卷前一卷和凝編後一卷子嶸續首有嶸
序及杜震序此鈔本乃吳氏太初所錄有其圖記太
初書後云此冊乃余友鮑以文得於石倉吳氏前頁
有朱檢討手書竹垞鈔本康熙戊子閏月奉寄池北

按

當

深嘗

彙

書庫蓋錄以寄漁洋山人者也按歸田錄載魯公與馮相道在中書省問鞞直詬責小吏良久及馮相語明哄堂大笑其素性褊急可知而用刑一節能采古人精察得情者為疑獄集以嘗韋弦之佩亦可謂好學深思者矣子顯仁中允繼父志彙成百條勒四軸今存六十六條分上中下三卷蓋佚去四分之一云辛巳小春月太初吳長元書於留耕艸堂

三器圖義

右錄說郭本 先君子手校

岳陽風土記

右一卷明許嶽重刻本有清熙六年劉谷豎跋明嘉靖甲辰陸瑯徐學謨二後序

誠齋詩話

右舊鈔本一卷曹氏古林書屋藏本有橋李曹氏藏書印曹溶二圖記

萬柳溪邊舊話

元尤玘君玉撰舊鈔本末有曾孫實七世孫晉二題跋

百寶總珍集

右舊鈔本十卷不著撰人名氏

宣德彝器譜

右三卷宣德三年呂崇奉勅編次舊鈔本

法界標旨乾坤體義

二種合為一冊釋智貴輯廣溱校梓明萬厯間余永甯重刻而序之書各三卷

勾股矩測解原

右二卷姚江黃百家原名百學主一所著卷首有沈廷芳

印椒園二圖記

茶經

茶經三卷簡莊先生鈔本校正見遺 先君子書籤

云善本簡莊贈原本作卷上卷中卷下此作卷之二

一三每卷前有總目

珩璜新論

珩璜新論一卷 先君子從畢氏鈔本補錄七條書

後云乾隆乙巳殘冬有書賈攜散浦畢氏舊鈔本珩

璜新論來書分四卷末後多數條因命史補錄按晁

救

救古字也救字之流在李同

按

晁

氏讀書志載孔氏雜說一卷或云卽此書果爾則一卷者乃舊本也 簡莊徵君復以所得本互勘書後云孔平仲所著談苑說部中多有刻者珩璜新論流傳絕少近從南匯吳稷堂座師處得一舊鈔本中有竹垞圖記凡遇宋朝故事俱空一格知出自宋刻其書亦作一卷不分爲四但前有缺葉後亦少數條又多誤字因從拜經樓借得是本補鈔所缺復互校一過是本舛錯亦多甚有脫落數行者可見傳寫之書非經校讐猶之蕪田不治也校畢遂題其後而歸之

嘉慶十八年二月旣望陳鱣書

蘆浦筆蘆浦筆記

蘆浦筆記口卷鈔本爲同邑林善長先生所藏有其手校及按語親筆又有漁洋山人借觀一行評語三條末有昌詩後跋及龔蘅圃侍御田居跋謂此帙借鈔于黃俞邵家者與郁氏東軒藏本當無大異惟少按語一條而多昌詩後跋及龔跋耳 先君子審定復經簡莊徵君借鮑氏知不足齋本校今歲重陽徵君又於吳中黃蕘圃主事處見所藏舊鈔合校家

按

獻

歲

堯
允

益

枚庵先生手鈔本內第五卷趙清獻充御試官日記
多三月三日四月五日事第八卷立起行五為趙立
起行伍又卷四巴邱條下多以鄉得名今撫州崇仁
九字為向來諸前輩所未及者並詳堯圃主事跋語
中其餘字句之同異更難枚舉徵君得之以校知不
足齋新刊本歸而見示聆受之下獲益宏多因照錄
于是本是本字句行款多與黃本同者然脫誤尚所
不免得此校補洵稱完善矣惟綠飲先生甫歸道山
不獲補刊當屬嗣君清溪上舍附刻校勘各條于後

以竟先生之志而 先君子手澤所存未及以是相
質證敬展遺編悲慟正無已爾

霏雪錄

右鈔本二冊無序目不分卷後有胡謚張文昭二跋
先君子題辭見愚谷文存此復錄明史本傳于前
記云余既手校霏雪錄復從萬季野先生明史列傳
稿見鑑續傳亟錄于卷首續字世熙別本皆作孟熙
唐鑑毛蔡亦見浙江通志毛鉉傳壬申十月望槎客
又志是本為綠飲先生所貽有世守陳編之家老屋

三間賜書萬卷歛西長塘鮑氏知不足齋藏書印三
圖記

棗林外索

木
漢本

舊鈔本棗林外索三集不分卷每集有目錄談孺本
先生著首有甲午秋七月自序

董令升遺事

附歸廬陵日記

右鈔本令升遺事首李心傳繫年要錄宋史禮志二
篇後列書錄解題并所著各種一條 先君子記云
并所著又有嚴陵集九卷天一閣藏本見全書總目

按
益

第一百八十七卷又直齋書錄解題有侍兒小名錄
一卷續一卷序題朋溪居士而不著名氏始洪炎玉
父集爲此書玉銍性之溫豫彥幾續補今又因三家
而增益之或云董彥遠家子弟爲之某按彥遠爲道
之字則此二卷亦并所著無疑今此書未見有專行
本惟明商濬刻稗海中有侍兒小名錄拾遺一卷題
宋晉陽張邦幾撰但陳氏又曰且爲分類其中多用
古字今稗海本不分類亦不見有古字以經後人竄
削非復令升之舊矣 卷末附朱翌和令升詩跋云

按

附益

某按董令升集空傳故原唱不可見右數首從瀟山集錄附此殆令升守新定時唱和之作蓋長孺紹興中嘗僑居桐江也令升又嘗有淵明先生集跋惜未見此冊後又附鈔周益公歸廬陵日記起隆興癸未三月甲辰止是年六月壬申先君子記云全集第一百六十五卷摘錄宜興事

日知錄

亭林先生日知錄初本八卷後附譎觚十事符山堂刻先生書前云愚自少讀書有所得輒記之其有不

刻此三字

益

按

割

合時復改定或古人先我而有者則遂削之積三十餘年乃成一編取子夏之言名曰日知錄以正後之君子又自序上章闔茂之歲刻此八卷歷今六七年老而益進始悔向日學之不博見之卓其中疏漏往往而有而其書已行於世不可掩漸次增改得二十餘卷欲更刻之而猶未敢自以爲定先以舊本質之同志云云先君子書第八卷九州條下云某按此二則今刻全本日知錄中不載殆因闔百詩有駁正之語故亭林遂削去之耶詳見潛邱劄記

按

益

又

右潘稼堂先生刻三十二卷 先君子以初本校並有按語又錄閣潛邱補正及同邑許仲章先生評語于上

又舊鈔本

右鈔本三十二卷先君以校刻本頗多增益書後云丙午秋日得此書以志憲簡莊徵君借校記云戊辰夏自吳門至虞山較閱一過

菰中隨筆

右鈔本三卷 先君子校閱有按語復經胡雒君陳簡莊二徵君借閱雒君先生有粘簽數十條後附詩律蒙告數葉先君書云自稱詩律蒙告一卷而此只寥寥數條恐非全本

潛邱劄記

鈔本潛邱劄記七卷後附日知錄補正一卷 先君子評閱跋云亭林先生于上章闔於歲先刻日知錄八卷板藏符日堂後附謫觚十事者也晚年更自序之以為中往往多疏漏且書已行于世不可掩漸次

山茂劄

後日

版

增改得二十餘卷欲更刻之而未敢自以爲定云云
今世所行日知錄三十二卷乃潘稼堂太史手定而
付梓者然視未刻時原本已不無異同矣潛邱所見
者猶是初刻本所補正已如此使見全本其舉正又
當何如耶吳某記又云潛邱之學大約欲與玉峰抗
衡而經濟終不及淵博亦遜之錢塘馮山公嘗有潛
邱劄記舉正若干條見解春集壬子春又記

考正朱子晚年定論

右二卷孫退谷先生著有其自序此鈔本錢綠窗處

士書後云退谷著書甚富以考正晚年定論爲第一
顧當時雖曾鏤版而流傳頗少遠近積書家罕有藏
弄者友人吳君子安偶於舊書中檢得一日語次及
之遂假以歸亟讀一過見其考訂精確陽明復生不
能不服夫退谷本以該博稱而能留心正學息邪距
諛若此殊不若邇來博綜家沾沾於無用之辨不急
之察語及程朱輒笑爲腐且陋也手錄一本藏之笥
篋謀重鐫梓以廣其傳卷末所載羅公書殘缺不全
爲考整菴遺集補完焉綠窗錢馥書

及

漢芟

西崑發微

右舊鈔本三卷吳芟著首有自序及朱鶴齡序後復自係跋語

榕城詩話

右三卷 國朝杭世駿著有汪沅及杭自序全祖望長歌 先君子校並有案語

東城雜記

右二卷 國朝厲鶚著有杭世駿及厲自序 先君子手校記端簡云東城雜記二卷從知不足齋借鈔

簡端三字倒

歎

緣飲言此尚非足本惟郁陸宣茂才東歎軒藏本最佳當更求勘之甲辰秋七月曝書日記吳某又云乙巳歲吳門宗人枚菴借錄又為勘出數處 簡莊徵君書云嘉慶十四年冬日陳鱣借錄于吳門寓舍并校一過時方得樊榭徵君所著玉臺書史因與拜經樓主人交易而觀各鈔副本云次年春正月鱣識

又韓隨筆

右鈔本一冊題隨筆癸亥集前有叔紹貞序稱為又韓姪而不著姓氏先子跋云癸亥集一冊近從茗賈

在字... 任字... 沼... 尚

得之據序稱又韓所撰又韓未詳其姓名似是禹航
人曾在麻城令觀其書亦一超覽之士周芾令
讀之謂予曰明人著書大槩有二種一為升菴派一
為眉公派癸亥集蓋眉公派也周之語雖如此然視
世之但知以爛熟八比取巧名者不大有閒哉戊申
長至後一日記

沈氏弋說

先子跋云己亥冬日收得舊鈔沈長卿弋說一冊蓋
龍山查堯卿上舍藏本也長卿字幼宰杭州人萬厯

按

間舉人按千頃堂書目沈氏弋說十卷月旦六卷今
此編不列卷數又無序目疑非全書也

山陽錄

山陽錄一卷首有社衲米序 楊慧樓進士跋云定

紵

生先生為復社領袖縞約滿天下兵燹之後零落殆
盡恨別感時驚心灑淚此錄之作何能己己也繚繞

哀音聲入破山陽暮笛感頑艷而淒心脾人言愁

我亦欲愁矣癸卯孟夏松陵楊復吉識 先君子書

云予友吳江楊慧樓進士喜 國朝名家小品嘗錄

園

漢園存學同

得數百種名曰續 昭代叢書予家秋園雜佩皆從
之借鈔者也

秋園雜佩

此即從楊氏借鈔者有侯方域序子宗石跋語 慧
樓進士手書跋云是亦易安金石錄序遣山故物譜
之類也俛仰今昔盡然傷懷佩續紛以繚轉分遂萎
絕離異物猶如此人何以堪未免有情誰能遣此癸
卯孟夏松陵楊復吉識

善權古今文錄

楊原本作陽

右鈔本十卷寺僧方策纂有王濟之文衡山二序李
瀛蔣允岳跋 先君子書後已刻愚谷文存中

楊忠愍公手札

右錄忠愍與鄭端簡書題跋一卷先君子跋已刊
愚谷文存此冊各有按語又書後云案忠愍公以嘉
靖三十一年壬子秋陞南戶部主事未之任是冬即
調兵部武選司十二月十八日到任明年癸丑元旦
日有食之公欲因此上書直陳時政故曰一路日食
奏稿成也日食次日乃癸丑正月初二日攷明史世

按

多先字存白空

按

公不成字

宗紀癸丑正月朔獨不言日食殆是日適逢陰晦彼君臣方欲諱災反以內靈臺為妄故有拏打之事公見題目不合遂趨出別艸疏稿即於是月十八日奏上此皆與年譜符合無可置疑其所謂南都事當即興學校開荒田緝武備繕城池等皆公平日之欲為而未得者年譜言之悉矣二王事亦不過言父子不宜疎遠之意蓋是時世宗尤多嫌忌稍涉建儲事便曰欲死時君立新君立置重辟矣公豈見不及此乎至末云湖翁欲老先生還朝湖翁當即徐少湖按端

于原本作千

命不成字

墨按

頌公大頁小

簡本傳以南太常召為吏部侍郎歷階刑部尚書皆如公所言也偶觀諸公所題多有異同者聊復識之嘉慶戊午中元日某再跋于竹下書堂

顧令君政績卷

右題跋歌詠一冊皆為令君禱雨陳山龍君行祠而作張文漁徵士見此卷蹟錄出而先君子手書

並有按語跋文已見愚谷文存此冊末附許雲邨給諫顧令君頌一篇頌為先君子所收藏後以贈文漁徵君詳見文存跋語中

許

漢

食

字

詳淮陽食史

食史一卷許稚則先生著前自序題崇禎辛未賣錫
天兩垞老饕書 先君子校並有按語

小名補錄

舊鈔本小名補錄後附名花異木記同邑陳香泉先
生著 先君子書後云此編所收多有與南宋陳思
小字錄及明沈宏正小字錄補相同者 先君子又
輯香泉論書偶記附後

敬修堂同學諸子出處記

右鈔本一冊原有硃筆點次 先君照錄並校正

渡海輿記袖海編

鈔本渡海輿記不著撰人名氏有雍正十年知將樂
縣事屬周子仁序袖海編汪鵬撰有乾隆甲申鵬自

作序二種合為一冊 先君子手校並記後云乾隆

辛丑十月廿七日校於秦溪舟次時與室人同送外

氏葬還經烏夜邨小泊志

一隅錄

錢塘周澍著先生手寫本蓋澍客臨汀時所記也

蜀

注序

詠

缺一字
一字

自序謂臨汀八閩一隅故以名編又云疇曩旅食金
閩則有姑蘇記事詩二卷都下則有帝京篇四卷涿
鹿與李中貴交則有溫樹錄一卷今皆未見予家所
收者尚有臺陽百咏鈔本先君子曾采其茗壺詩
入陽羨名陶錄

竹垞初白二先生尺牘

竹垞初白二先生尺牘手跡並為武原涉園主人所
藏蓋皆與寒中上舍者乾隆甲寅春先子假歸彙錄
一冊題竹垞尺牘後云予以甲寅暮春之初與諸

彙

楔

歸

孫錄竟

名士修楔于海鹽城南張氏之涉園主人雅好事又
與予有連是日余以所藏楊忠愍公獄中寄鄭端簡
手書真蹟歸端簡後人羹和茂才即席同人皆賦詩
紀事留連竟日頗極文酒之樂鷗舫旋出此冊見眎
蓋皆竹垞檢討晚年手筆也因借錄細閱之書凡六
十通其間與馬寒中上舍者什九寒中為吾邑藏書
家插架多人間未見本故書中大抵皆論典籍事或
展轉傳鈔或多方購買於此想見前輩好學之勤嗜
書之篤誠可慕也至其中論耿炳文沒于洪武二十

炳文
二字倒誤

七年而紀傳謂建文命文炳率師禦燕由實錄爲西
楊改削文獻無徵此書足正史傳之失又豈尋常簡
札酬應之比哉因亟錄副而以原本還鷗舫俾珍弄
之鷗舫爲大白先生來孫累世清秘之藏彷彿插花
山斯蓋其一斑云是歲競渡日免牀吳某識 又書
初白菴尺牘後云右初白先生尺牘蓋皆與寒中上
舍者其真迹並涉園主人所藏也某又記 惜鈔本
尙有譌字須再校正爲善倘得好古者梓而行之俾
前輩嘉言懿行時時在人耳目所裨豈淺鮮哉

密

元珠密語

元珠密語唐王珣著影宋寫本每葉十六行行十六
字前有自序後滬城成字氏跋云元密一書除宋版
外更無二刻又其書微妙難測世醫亦不欲深究其
理是以所傳不甚廣迄今日已成絕無以僅有矣余
購之廿年卽鈔本未獲一遇歲乙亥偶於茸城張氏
得見宋刻本一時驚喜如覩至寶詢之云以重價購
得余懇借再四始獲攜歸卽命諸子弟力疾鈔之近
聞張氏本已充進 御物矣余獲借鈔不勝幸甚爰

而
誤以

密

晁

密

嶽

密

撰注按

子

元下世字
多一也字

識其始末如此後人其世守之勿替滬城成孚氏識
 下有潤挺之印莘畊二圖記 先君子書云元珠密
 語十六卷不見于新舊唐書藝文志及文獻通考惟
 晁氏讀書志有天元玉冊三十卷云啟元子撰啟元
 子即唐王砮也書推五運六氣之變今此只十六卷
 未知與天元玉冊相同否夾際通志元珠密語十卷
 不著撰人焦氏經籍志同讀書敏求記元珠密語十
 七卷七或六之譌盱江張三錫運氣格以為託名元
 珠密語予按其序云余于百年間不逢志求之士遂

書五本藏之五嶽深洞中遇者可以珍重之寶愛之
 勿妄傳之見之天生可以延年見之天殺可以逃殺
 傳之非人殃墮九祖其言多詭誕不經盱江之言當
 非謬也嘉慶甲子四月兔牀志 簡莊徵君得吳中
 袁氏鈔本復為互勘一過書云唐啟元子元珠密語
 按啟元即王砮也砮註內經序云辭理秘密難粗
 論述者別撰元珠以陳其道宋高保衡等新校正云
 詳王氏元珠世無傳者今有元珠十卷昭明隱旨三
 卷蓋後人附託之文雖非王氏之書亦於素問第十

按

九卷至二十二四卷頗有發明其隱旨三卷與今所謂天元玉冊者正相表裏而與王砮之義多不同是唐時實有元珠一書而宋時所傳者疑爲附託但自宋以來流傳甚少耳余得吳中袁氏鈔本十七卷與讀書敏求記合此本爲吳氏拜經樓舊藏後有成孚氏跋知從宋版傳鈔惟止十六卷今以余所得本校之則十一十二兩卷并而爲一又五行類應記篇脫落數番彼此互勘庶得完善矣嘉慶十五年除夕渤海陳鱣記

陽按此書自序云今則直言編紀一十六卷目錄亦十六卷恐分併有所竄易耳

· 宣明論方

宣明論方七卷每葉二十八行行二十五字有大定十二年守真自序大定乙亥古唐馬口口序紙墨古雅當是明以前刻本首列分門科類總一十八門次列諸藥炮爛炙燂例 先君子書河間三書前云河間宣明論方原刻七卷後人翻刻妄分爲十五卷而行款亦多改換余家舊本有大定己亥古唐馬口口序

陽按

四庫目錄亦十五卷云大旨本素問及金匱要略而用藥多主寒涼蓋因北方地氣而施泥之

按

妙
孫鈔

者非廢之者亦非也自序稱三卷此本乃十五卷其方下小序有稱灌頂王子所傳者金時安有是名知傳刻有所竄入也其作十五卷蓋亦據近時刻本且按守真自序云僕今詳內經編集運氣要鈔之說七萬餘言九篇分爲三卷謹成一部目之曰內經運氣要旨論備聖經之用也對病論證處方之法本草性味猶恐後學難爲驅用復宗長沙太守仲景之書迺爲一帙計十萬餘言目曰素問藥證精要宣明論方云云是三卷者乃內經運氣要旨論非此書也此本

多此奉三字
點勘
曰人下脫二字

添

右
孫石

王字者
是臣字
之海石奉同
行
孫月

本草衍義

此本前題校正素問精要宣明論方蓋亦經後人矣
本草衍義二十卷每葉二十四行行二十一字首行題本草衍義卷之一次題通直郎添差充收買藥材所辨驗藥材寇宗奭編輯首張缺前半頁後半頁第一行聖旨寇宗奭特與轉壹官依條施行添差充收買藥材所辨驗藥材二行石劄付寇宗奭三行政和六年十二月二十八日五行宣和元年月本宅鏤版印造六月姪宣教郎知解州解縣巫寇約校勘紙墨

古雅有汪文柏柯庭休甯汪季青家藏書籍圖記面
頁題摘藻堂藏

經歷奇證

經歷奇證不分卷明錢唐錢君穎著 先君子從道
古堂借錄識後云錢君穎在勝國時以醫鳴是編病
原治法多常人耳目所未及者惜流傳不廣昔年見
舊刊於葦浦先生案頭因從之借鈔以備活人之一
種云乾隆丁酉九秋兔牀記

心印紺珠經

按

右二卷明刻本前有江州陳守義序嘉靖己酉歸德
府儒學教授浙東葉良玉書後 先君子書云按千
頃堂書目心印紺珠經二卷元朱搗作字好謙傳醫
學于李湯卿劉河間弟子

治法彙

右七卷舊人批本 先君子題云岐黃之書惟盱江
之說最醇正無弊相傳評點者為石門某氏昔二愚
兄有之後遊廣陵歸失去常以為憾嘉慶癸亥夏五
月予復購得此本雖非石門親筆亦有心濟世者之

彙醇

石門某氏者蓋以石門之說也
其評點甚善其書甚多初平傷寒

彙

所當留意歟竹醉後二日三歸亭長識又云二愚兄
有舊時徐養餘齋過錄治法彙一部因假而校對則
二愚本評點多漏略不全大約僅什之二三而已其
間有此本所無者以墨筆補之其下有稱琦記者二
愚謂即誠庵公未審是否當更攷之某又識

己任編

右八卷內墨筆朱筆藍筆三種評點卷首眉間書云
乙亥十月偶評與丁卯庚午批點微別四卷以後係
幼時筆記有東臯州堂圖記

臯

痘疹仁端錄

右鈔本六卷明樵李徐謙仲光著先君補鈔首序二
編並記首簡云按簡明書目仁端錄十六卷
徐謙著其門人陳葵刪定今此本六卷視近時坊刻
五卷者不翅倍蓰究不知陳葵定本何如恐未必如
此本之詳也兔牀記

葬書

右葬書草廬先生所定分內外雜三篇首有目錄目
後序云右葬書相傳以為晉郭璞景純之作內外八

按

題注

後人

篇凡一千二百四十二字世俗所行有二十篇皆後人增以謬妄之說建安蔡季通去其十二而存其八亦既得之就其所存猶不無顛倒混淆之失此本為最善篇分內外蓋有微意雜篇二俗本散在正書篇中或術家秘嗇故亂之也此別為篇論類精矣覽者詳焉臨川山人谷澂識前人地理葬書集註草廬先生吳文正澂刪定後學金華元默生鄭謚注釋後附葬書問對不著名氏有趙子常跋云吾友程君仲本最為留意斯事故書以遺之仲本之師朱君允升其

人也云云末題至正十三年十月既望趙汭子常書于東山精舍是本紙墨精雅古香可愛先君子常以示黃蕘圃主事並別錄宋濂序一紙于後書云吾舊藏元版葬書黃蕘圃云的屬元刻渠家亦有一部與此本同讀書敏求記所載即此本此宋潛溪序乃明初刻有元本未有也則未有宋序者不更可寶歟

靈棋經

靈棋經一冊不分卷無撰人名氏有唐會昌九年尚書司門員外李遠敘書中題晉駕部郎中顏幼明註

注

注

益

宋御史中丞何承天註元廬山叔才陳師凱解大明誠意伯劉伯溫解每卦象下皆繫以顏曰何曰陳曰劉曰等解先君子手書通志一條靈棋經一卷張良傳撰又一卷唐李暹撰齊江謚占得送貨卦見南史卅六御覽七百廿六又書南牕記談一則于別紙云傅崧卿以冰餽同舍其東詞云蓬萊道山羣仙所遊清異人境不風自涼火雲騰空莫之能口餉以冰雪是謂附益讀者莫解或曰此靈棋也又董舍三岡識略云靈棋經不知造於何人前列唐人一序云漢

叩
不成字

留侯受之黃石公用梓木製棋十二刻上中下各四擲成卦每歲人日以酒果祭之考書披詞吉凶得失莫不奇應予虔奉二十餘年叩以事十驗八九勝于市塵卜肆多矣前列造靈棋法占儀祭儀祝文乾隆壬子十二月十一日先君子曾以卜萬蒼山墓地得大通卦

景祐遁甲符應經

遁甲符應經讀書敏求記作三卷此寥寥數十番不分卷末知是全書否有永樂十三年御製後序末為

末
後末

道甲大全集有出行圖十二神圖鈔本有祝眉老印

圖繪寶鑑

右五卷元刻本每葉二十二行行二十字先君子
跋刻愚谷文存吳中黃堯圃主事跋云夏文彥圖
繪寶鑑五卷載於讀書敏求記者爲得其真他如津
逮所刻已合明欽天監玉泉韓昂續纂者而并爲六
卷又何論近刻之八卷者乎余所收論畫諸書如畫
評圖畫見聞志宣和畫譜廣川畫跋畫繼畫鑒等皆
有舊刻名鈔惟此獨無善本今觀此刻歎爲希有益

堯

昂

廬

誤廬

籤搜

邱

書必求其初刻如此刻雖漫漶不可卒讀然五卷原
書具在後附補遺與他本附補遺於六卷後者面目
已改豈不可寶且收藏爲廬江王猶是幾百年前故
物拜經樓主人以爲裝潢極精非民間藏書吾嘗見
成化時閣本大唐開元占經每冊俱用黃綾作簿面
復用黃絹作籤條此可見官書鄭重卽裝潢可辨與
此可互證也士良搜羅畫人姓氏可謂極詳然吾有
疑焉嘉熙時有宋伯仁梅花喜神譜二卷潛溪先生
詳畫梅之原五代有滕勝華宋有趙士雷邱慶餘徐

遺
後遺

堯

書
洋畫

熙仲仁師楊補之今寶鑑所列一一不爽獨遺伯仁一人則士良之書殆有未盡耶聊記於此以備考壬戌仲秋二十有七日海甯陳簡莊攜此本示余云是吳君免牀所儲屬余題識越五日為九月二日聽雨士禮居中繙閱一過古香襲人殊破岑寂爰跋數語而歸之吳縣堯圃黃丕烈識 簡莊徵君跋云圖繪寶鑑五卷元吳興夏文彥撰是本雖墨色漫壞然猶是元版而明印者遠勝今本之竄亂混淆矣卷首抱遺老人敘艸畫極佳蓋係鐵厓手書付梓敘稱雲間

義門夏氏則文彥又為雲間人是書每冊有廬江王圖記王藏書甚富就余所見凡數種皆善本云陳鱣記

畫徵錄

增訂畫徵錄三卷後附圖畫精意誠 先君子親筆
評點並補畫家數人

宋本百川學海

舊刻本五十八種內重中華古今注試筆二種有休甯汪季青家藏書籍圖記 先君子書目錄於別紙

筆
補全

記

後堂

並記云此書各種說部疑是百川學海堂五十八種
內重二種也是園書目百川學海一百三十四卷又以墨
筆標識四十六種云上有點者蘭竹山房本所有與
予所藏同一板口又書開天傳信記目下云萬回事
惟此獨詳 其中翰林志一卷 先君子手校並書
六典中書一條上云行者下少則用之三字宋本亦
少此三字鮑以文校翰苑羣書云然然則此宋本也
拜經樓藏書題跋記卷四終

